

PAREHA Y DIVORCIO

Shete clave pa supera un relacion abusivo



WWW.SOLODIPUEBLO.COM



SOLODIPUEBLO@GMAIL.COM

GERLIEN CROES TA CONTRA DEPORTE, CONTRA PALO MARGA, CONTRA DRAG Y CONTRA STADION



MINISTER MADURO TA SPLICA RIBA E PESO FISCAL NA ARUBA CU TA MAS ABOU CU E PROMEDIO DEN NOS REGION



MINISTER ENDY CROES TA FELICITA ORGANISADONAN DI E PARENTS LEAGUE SOCCER TOURNAMENT 2024 CU UN EXITOSO CAMPEONATO



Announcement of the Government of Aruba Treasury Bills issuance – Afl. 32,250,000.00 July 5, 2024 – October 4, 2024

Issuance pursuant to the State Ordinance on Treasury Paper (AB 1987 no. 3), State Decree Treasury Paper (AB 1988 no. 6), and the State Decree no. 7 of June 4, 2024.

The Centrale Bank van Aruba (CBA) informs of the upcoming Government of Aruba (GOA) Treasury Bills issue on July 5, 2024, in multiples of Afl. 250,000.00 and Afl. 1,000,000.00.

Amount:	Afl. 32,250,000.00
Maturity:	3 months
Redemption date:	October 4, 2024

Participation in the upcoming GOA Treasury Bills issue is only allowed through the intermediation of a local commercial bank. Application forms must be submitted to the CBA on **Tuesday, July 2, 2024 at the latest at 4:30 p.m. (cutoff time).**

Aruba, June 27, 2024
Centrale Bank van Aruba

GERLIEN CROES TA CONTRA DEPORTE, CONTRA PALO MARGA, CONTRA DRAG Y CONTRA STADION

Diamars durante reunion por scucha Parlamentario Gerlien Croes haci expresionnan incorrecto riba deporte. For di su postura por conclui cu e ta contra deporte, contra Palo Marga, contra Drag, contra Stadion y contra futbol. No ta nada straño, pasobra algun luna pasa el'a vota tambe contra di un scol nobo di Mavo den su propio bario di Paradera.

Su ponencia ta totalmente incorrecto:

E ta trece dilanti cu Minister Endy Croes a cumenza un caso contra Fundacion Lotto pa Deporte pa schade vergoeding. Esey ta totalmente mentira. E caso a wordo cumenza contra Ernst & Young, dor di a traha un rapport mentiroso cual rapport a wordo declara nulo pa corte di casacion na Hulanda. Pues e caso cu Minister Endy Croes a cumenza, no ta contra Lotto, sino contra Ernst & Young. Parce cu Gerlien ni como hurista e no por compronde e diferencia aki y kisas pa hunga politica

sushi, e kier twist e fact pa culpa Endy Croes di algo robes.

"Segun e parlamentario Gerlen Croes, e, ta tuma nota cu Minister Endy Croes ta presente tur caminda ta haci bunita y saca potret. Ta gaña inverti placa chikito den proyectonan den deporte pero di otro banda ta pidi mas cu tres miyon na "schadevergoeding" den un caso contra Lotto pa Deporte y ta haci campaña cu fondonan chikito pa deporte."

Pues Gerlien a expresa aki cu e no ta sostene nada di e proyectonan cu Minister Endy Croes ta haciendo, pasobra e ta haya cu nan ta "haci bunita pa saca potret".

Ta di lamenta cu Gerlien ta bagatalisa dragrace, palomarga y ta considera e proyectonan ey como proyecto chikito. E ta muestra cu e ta contra renobacion di Stadion y contra pa seleccion nacional di Aruba hunga su weganan na cas y no mester bay huur stadion na Tampa cu costo di \$ 200

mil dollar. Gerlien no tin ningun vision pa deporte!

E pregunta clave cu mester haci na Gerlien ta:

Bo no a bisa cu bo ta hiba politica nobo? Awor hasta cu projectonan bon pa deporte bo ta haci wega? Y bo kier sigui ganja bo siguidornan cu e caso di Endy ta contra Lotto? Siendo e ta contra Ernst & Young?

Nos ta kere cu bo a keda pega cu e politica bieuw di AVP. Parce ba sali di AVP, pero ba keda cu e mala maya pa lansa critica mentiroso y instigador, baho y sushi. Algun tempo pasa bo a core pidi pordon na Promer Minister Evelyn Wever Croes ora cu bo a papia coy loco di dje. Ta notabel cu bo kier haci politca nobo, pero bo ta pega cu politica bieuw.

Riba Lotto pa Deporte:

Mester menciona cu bo partido AVP na 2011 a cera un mal deal cu Canadian Bank Note, unda cu tur e ganashi di Lotto ta bay Canada. Ta remarcabel cu riba esey nunca bo a bisa nada. Ta remarcabel bo silencio. E mes un tempo



ey pa 10 aña largo, Patrick Paskel a cobra 10 mil dollar pa luna di porta patras via Canada for di placa di Lotto. Esey ta 17.500 pa luna mal ranca di deporte, cual e mes a confirma den un e mail cu el'a manda pa Lotto. Esey ta placa mal ranca di deporte! Y ora nos ta kere cu bo ta para ne banda corecto pa defende deporte, atabo ta para na banda di e grupo corrupto, ladron y sinberguenza y sentencia pa huez pa horta pais Aruba.

Cu Endy Croes a cumenza un caso contra Ernst & Young pa un rapport mal traha, ta su derecho y dia cu Endy a keda sin trabao, no ta abo a yude pe wanta cabes riba awa. Pues, bo no tin ningun derecho mes di hunga cu desaroyonan

huridico incorrecto. Ta kico bo kier ta anto? Defensora di maldad? Defensora di Ernst & Young? Bo ta aplaudi inhusticia? Bo ta un muhe instigadora, venenoso, toxico, hopi baho, sushi y sinberguenza si tesey bo kier haci, aplaudi inhusticia. Mientras 5 hues di casacion a dicta contra Ernst & Young, awor abo kier haci bo propio husticia via politica contra Endy Croes? Ta ken bo ta kere bo ta anto?

No ta abo a haya prohibicion pa drenta Merca? Pasobra bo grupo a wordo gara ta transporta droga o marihuana pa Merca? Ta bon bo aclara bo rol di loke ta wordo papia dibo! Cuminza analisa bo mes!

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



**Prome Minister Evelyn Wever-Croes:
Durante recorrido di Dera Gay**

PROME MINISTER TA DUNA RECONOCIMIENTO NA DOS BALUARTE DI CULTURA

Sr. Oslin Ismail y Sr. John Francis Jacobs



Dialuna atardi, Prome Minister Evelyn Wever-Croes hunto cu Departamento di Cultura y Comision Celebracion Dianan Nacional (CCDN), a haci un recorrido y a bishita diferente evento rond di Aruba. Manera tur aña a resalta e manera cu nos pueblo ta celebra nos tradicion inculcando e balor di nos cultura den nos muchanan y nos hobennan cu ta esnan cu lo sigui conserva nos cultura ora nan bira grandi. Na Aruba ta hopi ciudadano nos tin asina, cu desde mucha nan a cuminsa participa na eventonan tradicional di nos pais y a crece bira baluartenan di nos tradicionnan cultural.

Centro Barrio Tanki Leendert e aña aki a honra dos di e ciudadanonan

aki cu pa hopi aña a contribui na nos cultura no solamente pa e barionan di Tanki Leendert y Tanki Flip pero pa Aruba en general. Den nomber di Minister di Cultura, Xiomara Maduro y den nomber di Gobierno di Aruba, Prome Minister a presenta reconocimiento na dos Baluarte di Cultura gradiciendo nan pa nan contribucion na nos tradicionnan.

Sr. Oslin Ismail, pa su talento como musico, cantante y compositor pa mas di 25 aña manteniendo nos cultura, tradicion y musica tipico.

Sr. John Francis Jacobs pa su carera artistico como musico y cantante pa mas di 50 aña manteniendo nos tradicion y cultura musical.

Den nomber di pueblo di Aruba, Prome Minister ta gradici y felicita Sr. Oslin Ismail y Sr. John Francis Jacobs pa tur loke nan

ta haci pa engrandecer, mantene y fortalece cultura di nos pais.

CEDE ARUBA
CENTRO PA DESARROYO

FIESTA TIPICO

16:15 - 17:00 : Cah'i orgel El Negrito Maldito
17:05 - 17:20 : Carl Anthony Petrocchi
17:25 - 17:40 : Jaylon Machado
17:45 - 18:15 : Reconocimiento na 2 baluarte
18:30 - 19:15 : Tommy y su Grupo
19:30 - 20:15 : Tipico Palisia
20:30 - 21:15 : Tipico Rejoice

FECHA: 30 JUNI 2024
ORA : 16:00 – 21:15
LUGA : HOFFI SERI JANCHI
ENTRADA : 5 FLORIN

LO TIN DOORPRIZES PA CORTESIA DI TASTE BUDS CAFE

DCA
Dutch Caribbean Association

UNOCA

MINISTER ENDY CROES TA FELICITA ORGANISADONAN DI E PARENTS LEAGUE SOCCER TOURNAMENT 2024 CU UN EXITOSO CAMPEONATO



Durante fin di siman, a tuma luga e prome edicion di Parents League Soccer Tournament 2024. Bou di un entusiasmo y publico grandi e prome campeonato di futbol pa mayor a inicia diasabra, unda e rol a cambia y a toca turno na e mayornan pa demostra nan talento riba veld. Como mayor semper bo ta apoya bo yiu sea na banda di tereno of den tribuna, pero awo e mayor mes a haya e oportunidad pa experiencia e presion riba tereno di bala. Awo ta turno pa e yiunan apoya nan mama y/of tata hungando futbol.

E meta di e torneo ta pa motiva comunidad pa ta mas involvi den deporte na Aruba. A cuminsa cu futbol, pero e idea ta involucra mas deporte entre otro, baseball y tennis. Un total di ocho (8) ekipo a bataya contra otro pa conkista e titulo maximo.

E torneo di e mamanan, esta Soccer Mom a ser dedica na e legendario Jeanine Jansen (den feliz memoria). Na final di e tremendo partidonan e ekipo ASV River Plate a titula campeon di futbol di hende muhe di e prome

Parents League Soccer Tournament. Diadomingo atardi, den Compleho Deportivo Frans Figaroa na Noord e popular torneo a continua, unda cu a toca turno na e tatanan Soccer Dad pa demostra na talento. Soccer Dad a ser dedica na e legendario Albert Lake (den feliz memoria). Minister Endy Croes tabata presente, unda el a hiba palabra y a desea e ekiponan hopi exito. "Deporte ta trece nos hunto, fortifica y uni un pueblo. Uni semper nos ta mas fuerte." E mandatario di Deporte a subraya. Sin duda e publico presente por a gosa di dos dia di campeonato inolvidabel.

Tambe por a nota presencia cu Minister Rocco Tjon (San Luis Deportivo) y Minister Dangui Oduber (S.V. Bubali), ambos a debuta den e torneo aki. Na final di e anochi, ekipo di RCA a conkista e titulo di campeon di Soccer



Dad di Parents League Soccer Tournament 2024. Pa finalisa, e mandatario di Deporte ta gradici e comision organizado, esta Sra. Vanessa Leer, Sra. Irella Partodikromo, Sra. Jessica Rivero,

Sra. Michelle Every y boluntarionan pa organisa un tremendo y exitoso evento deportivo pa e mayornan cu nan yiu ta hunga den federacion di futbol.

PARLAMENTARIO SETTY CHRISTIAANS-YARZAGARAY (MEP) PRESENTE NA E APERTURA OFICIAL DI OPERATION COMMAND CENTER

Diabierna ultimo Parlamento tawata invita na e apertura oficial di 'Operation Command Center' situa na Savaneta. Na e ocasion aki Parlamentarionan y tur invitado presente por a haya un 'rondleiding' di e centro cu splicacion breve con esaki ta opera y ta hinca den otro.

Un proyecto sumamente innovativo y moderno cu mas tanto nos por wak den pelicula y cu ta un sistema cu paisnan grandi tin. E ta

un proyecto unico y mas avansa den nos region di islanan Caribense. For di e centro aki ta atende yamadanan di alarma central, y ta monitorea diferente parti di nos isla cu un total di 258 camera y radar rond di Aruba.

Ta trata aki di un sistema di camera ubica na diferente parti di nos isla cu e meta pa eleva e seguridad tanto pa nos pueblo como pa nos bishitantenan. E sistema di cameranan aki ta basa riba 'realtime intelligence'

cu momento cu tin un susedido, e cuerpo policial y di seguridad por recurri na e sistema aki pa resolve casonan.

Gradicimento ta bay na tur profesional y instancia involucra pa realisa e proyecto aki entre nan Setar, Cuerpo Policial y en especial Ministerio di Husticia y Asuntonan Social. Sigur tambe na Minister Rocco Tjon y Gabinete Wever-Croes cu e gran proyecto aki y logro!



PARLAMENTARIO SHAILINY TROMP-LEE TA ENFOCA RIBA E CAMBIONAN POSITIVO DEN E CICLO PRESUPUESTARIO

Durante tratamento di e prome presupuesto supletorio pa aña 2024 mi a enfoca un biaha mas riba e cambionan positivo den e ciclo presupuestario.

E aña aki pa di 2 biaha nos por mira cu Gobierno ta presenta un voorjaarsnota cu hopi informacion pa Parlamento, sigui despues pa un presupuesto supletorio mas trempan den aña. Esaki contrario na loke tabata custumber te cu na aña 2022.

Mi ta haya hopi positivo cu e voorjaarsnota hunto cu e presupuesto supletorio ta keda traha y entrega den e prome mitar di aña y cu nos a cuminsa trata esaki diamars 25 di juni. E voorjaarsnota y e presupuesto supletorio ta

bin banda di e najaarsnota y e presupuesto supletorio cu nos ta custumbra pa haya na fin di aña. E cambio aki sigur ta den liña cu loke nos como Parlamento number 10 a introduci na aña 2018, cu ta e tussentijdse rapportage, caminda ta yama Gobierno pa bin duna cuenta di e prome 6 luna di aña.

Mi a haya necesario pa un biaha mas enfoca riba e cambionan positivo den e ciclo presupuestario cu Gabinete Wever-Croes y Parlamento a percura pe, pasobra esaki sigur ta na beneficio di nos trabou mirando cu na tempo nos ta haya un bista encuanto cambionan economico, financiero y tambe den e maneho di cada ministerio. Esaki sigur ta brinda Parlamento e posibilidad

pa haci miho uzo di su budgetrecht y tambe ta haci posibel pa nos por hiba e debate necesario cu Gobierno prome cu cierto cambionan tuma lugar. Asina Parlamento ta haya mas espacio pa influencia direccion y decision. Mas cu claro na mes momento nos ta brinda pueblo tambe mas transparencia riba con fondonan publico ta keda uza.

Antes Parlamento tabata haya e informacion aki te casi ora aña caba y sin tabata keda informa tussentijds pa por tuma decisionnan durante un aña y / of por aproba aumento di gasto of cambio di maneho. Den pasado Parlamento tabata haya presupuesto supletorio ora ya gastonan adicional y cambio di maneho a keda



haci caba y no por a haci nada mas. Pueblo henter sa na kico e situacion aki a conduci bou di mando di AVP. Presupuestonan supletorio yena di deficit sin cu Parlamentarionan cu tabata sostene gobierno tabata haci algo (por ehempel na 2012 deficit di 443.3 miyon, 2013 un

deficit di 332.8 miyon y na 2014 un deficit di 405.8 miyon).

Anto awe nan tin curashi di cuestiona e transparencia y maneho financiero di Gabinete Wever-Croes cu ta dunando resultadonan hopi positivo pa nos pais.

Prome Minister Evelyn Wever-Croes:

ENTREGA DI CERTIFICADO NA E CURSISTANAN DI SOCIAAL VORMINGSTRAJECT (SVT)

Despues di conclui e entrenamiento e hobennan aki lo ta cla pa sirbi Aruba dignamente



Dia 26 di juni, durante un ceremonia hopi emocionante na Marinierskazerne Savaneta, a celebra e echo cu un grupo di hoben a termina e prome parti di e "Sociaal Vormingstraject"

(SVT).

Diaranson mainta Prome Minister Evelyn Wever-Croes tawatin e honor di haci entrega di certificado na e cursistanan di SVT cu a termina e prome parti di e entrenamiento. Esaki ta un entrenamiento hopi pisa unda e hobennan ta haya formacion den disciplina, comunicacion, teamwork y tambe con pa traha riba nan metanan personal.

Prome Minister a duna di conoce cu riba e mainta aki el a tende storianan sumamente bunita di e grupo aki y di otro hobennan cu e tawatin oportunidad di combersa cu nan. E perseverancia di e hobennan aki ta di admira, nan ta yena cu determinacion, fortaleza, hopi curashi y ta cla pa



logra nan metanan den futuro. E hobennan aki a supera desafionan, a haya otro oportunidad y ta balora esaki mustrandando nan disciplina y dedicacion. Despues di conclui e entrenamiento, nan lo ta cla pa sirbi nos pais dignamente.

"Mi ta gradici Marinierskazerne pa yuda Gobierno pa ofrece un oportunidad nobo na e hobennan. Tambe na e

kader pa nan pasenshi pa atende cu nan, pero muy en especial na tur mayor y familiar pa duna nan yiu, nieto y sobrinonan un oportunidad nobo. Finalmente, mi ta felicita cada un di e hobennan cu a termina e prome parti di e curso aki. Mi ta hopi orguyoso pa loke boso a logra caba y mi tin tur confiansa cu boso lo logra e di dos parti tambe", Prome Minister a expresa

OPORTUNIDAD PA INSCRIBI BO YIU PA E PROGRAMA DI PRISMA NA SKOA

Oranjestad, Aruba: Ainda tin algun cupo pa inscripcion den e programa di "Schakelklas Prisma" pa aña escolar venidero.

Ken tin cu inscribi pa Prisma? Prisma ta un programa di preparacion pa muchanan cu no ta domina e lenguahe di Hulandes. E ta un programa di 1 aña cu ta prepara muchanan pa nan por integra den scol regular exitosamente caminda Hulandes

ta e lenguahe primario den e curiculo. E programa di Prisma ta evalua tambe e desaroyo academico a base di cada mucha su prestacion di siñamento y tambe nan desaroyo social - emocional cu ta importante pa nan crecimiento en general.

Con pa inscribi pa Prisma? Por aplica via website www.skoa.aw pa asina inscribi completamente online. Bay riba e


website y click ariba inschrijven y despues scoge pa Prisma. Di eynan mester sigui e intruccionnan ariba e website pa completa e aplicacion di cada mucha. Si tin duda con pa inscribi via nos website por pasa libremente na nos oficina di SKOA situa na Copernicusstraat 11, Aruba durante orario di oficina entre 8am - 12pm y 2pm - 4pm.

Por haya mas informacion ariba nos website www.skoa.aw y tambe



por yama nos directo na (+297) 523 1800 durante orario di oficina.

Durante tratamiento di Presupuesto Supletorio 2024: MINISTER MADURO TA SPLICA RIBA E PESO FISCAL NA ARUBA CU TA MAS ABOU CU E PROMEDIO DEN NOS REGION



Durante e tratamento di e prome Presupuesto Supletorio pa aña 2024, un Parlamentario di oposicion a lansa e critica den direccion di Minister Maduro di Finansa cu na Aruba e peso fiscal ta halto. Sinembargo e Parlamentario no por a

monstra informacion di unda e ta saca e conclusion aki. Esaki a pone cu den su contestacion Minister Maduro a tuma tempo pa demostra cu cifranan real, cu e peso fiscal di Aruba compara cu e paisnan den region no ta asina halto.

Peso fiscal na Aruba

Minister Maduro a splica cu na Aruba e peso fiscal den aña 2024 ta na 20,4%. Por mira cu esaki ta na e nivel di aña 2019 cu ta prome cu e pandemia. Durante e pandemia e peso fiscal a baha na Aruba na 20%, 17,7% y 19,4%, ya cu Gobierno a duna Alivio Fiscal 1 y 2 cu a yuda baha e peso fiscal den añanan 2020, 2021 y 2022. Compara cu aña 2023, por mira un rebaho den e peso fiscal den aña 2024.

Peso fiscal na Latino America y Caribe

E mandatario a sigui splica cu OECD cu ta e autoridad riba tereno fiscal internacional, a publica cu pa aña 2024 e peso fiscal pa paisnan den e region Latino Americano y den Caribe, ta na un promedio di 21,5%. Esaki ta demostra cu e peso fiscal di Aruba cu ta rond di 20%, ta cay bou di e promedio di peso fiscal den nos region. Pues



Aruba su peso fiscal no ta asina halto manera e Parlamentario ta critica.

Peso fiscal Hulanda y paisnan Europeo

Pa por tin un bista con e peso fiscal ta na Hulanda y otro Paisnan Europeo manera Dinamarca cu ta conoci pa tin bon areglonan social, bon cuidio medico, bon infraestructura, bon sistema di educacion, e peso fiscal promedio ta na 34,6%. Esaki ta un indicacion, cu mas servicio di Gobierno, ta traduci su mes den un peso fiscal mas grandi na e pais.

Parlamentario mester

busca bon informacion prome cu critica

Minister Maduro ta enfatisa cu ta importante pa un Parlamentario cu kier cuestiona of lansa critica cu por atacha e bon nomber di Aruba, busca bon informacion prome. No djies papia pa papia of grita pa grita, sino haci e trabou Parlamentario di busca informacion relevante pa informa Pueblo corectamente. Na Aruba no ta mata hende cu belasting. E peso fiscal di Aruba ta bou di e promedio di e paisnan den nos region.

MINISTER GEOFFREY WEVER A REUNI CU PRESIDENTE DI SURINAM SR. SANTOKHI.

Minister di Asuntonan Economico, Comunicacion y Desaroyo Sostenibel, Geoffrey Wever y delegacion di Aruba, consistiendo di Directora di DEZHI Sra. Dijkhoff-Pita, Presidente di KVK Sr. Kemmerling y Director di ATIA Sr. Henriquez, a reuni diamars merdia cu Presidente di Surinam Sr. Chandrikapersad Santokhi compaña cu Minister di Economia, Empresaria y Innovacion di Surinam, Sra. Rishma Kuldipsingh na Paramaribo, Surinam. Durante e reunion e delegacion di Aruba a wordo compana pa embahador Reino Hulandes na Surinam Sr. Walter Oostelbos.

Despues cu Minister Wever y e delegacion di Aruba a reuni cu Minister di Economia di Surinam den

oranan di mainta, atardi Minister Wever a reuni cu Presidente di Surinam Sr. Chandrikapersad Santokhi.

Durante e encuentro aki a combersa di diferente topiconan di con Aruba y Surinam por yuda y comparti ideanan cu otro manera riba tereno di agricultura, turismo, servicio pero tambe riba e parti economico y tambe con lo por agrega un vuelo di carga entre Aruba y Surinam cu SLM, cu ta e aerolina nacional di Surinam.

Minister Wever y Presidente Santokhi a intercambia tambe di idea con Surinam por pone terenonan disponible pa agriculturan di Aruba pa cultiva na Surinam.



“E reunion aki tambe a bai den un ambiente hopi ameno y ta confirma cu Aruba y Surinam ta mira oportunidad den traha mas serca di otro. Mi ta hopi contento pa wak con e delegacion di Aruba a wordo ricibi y pa sinti cu nos ta alineá”, según Minister Wever.

HOH ACADEMY TA INSPIRA Y COLABORA CU FUNDACION JA IK ARUBA



Departamento di HOH Academy di Horacio Oduber Hospital (HOH) a organisa un rondleiding specialmente p’e studiantenan di Colegio Nigel Matthew en conexion cu e programa “In the picture” di fundacion JA IK ARUBA. E vision di fundacion JA IK ARUBA ta coincide cu e vision di e programa continuo di HOH Academy “HOH inspires” cual ta pa inspira y educa hobennan di e diferente profesionnan medico cu tin. E grupo di 10 estudiante a siña tocante diferente trabounan cu tin na e departamentonan di dialisis, radiologia y tambe sala di operacion/anestesia.

Un mainta educativo

E programa a start den e leslokaal di HOH Academy na unda a duna demostracion y amplio splicacion tocante kico ta pasa den sala di operacion. Entre otro a splica ki tipo di funcion tin manera un ‘ok-assistent’, un ‘anesthesieverpleegkundige’, un ciruhano y hasta ‘magazijnbeheerder’ y kico nan ta haci. A duna demostracionnan practico y hasta nan a haya chens di por bisti paña special di sala di operacion. Na departamento di dialisis nan a haya informacion tocante kico ta dialisis, e trabou di un ‘dialyseverpleegkundige’, e mashinnan pa e diferente tipo di dialisis y cambionan den e bida di e pashent cu ta dialisa. Por ultimo a pasa na departamento

di radiologia unda nan a ricibi informacion di e diferente tipo di aparatonan y sistemanan cu ta uza pa saca potret di e curpa pa diagnostica, sea röntgen, MRI of CT. Na final di e mainta e hobennan mester a traha un presentacion, p’asina demonstra kico nan a siña y kico nan ta pensa di e materia.

“Nos ta spera di por a brinda nan un dia yena cu inspiracion”, asina Lenie Denteneer, manager HOH Academy, a expresa.

Inspiracion

E studiantenan di Colegio Nigel Matthew a keda encanta cu e mainta educativo aki. Estudiante Joshua Croes a expresa cu el a siña hopi cos tocante e sala di operacion y ela haya esaki hopi interesante mirando cu su aspiracion ta pa bira un ciruhano. El a haya sa hopi mas tocante e hermentnan uza den sala di operacion y tambe tocante e stress cu un ciruhano por pasa aden.

Estudiante Alan Zara tambe tin e deseo pa bira un ciruhano. El a comenta cu el a siña bastante cos interesante tocante e sala di operacion pero tambe e riñonnan. E parti cu mas el a gusta tabata e sala di operacion door cu e tambe tin e deseo pa bira ciruhano.

A pesar di no kier sigui den e ramo di medicina, estudiante Victoria Uribe, ta di opinion cu ta “great” pa bishita diferente luga pa experiencia diferente profesion y



mira kico tur ta posibel.

Colaboracion

HOH Academy y e fundacion ta mira hopi talento na Aruba y p’e motibo aki a cuminsa traha hunto pa e talentonan mira tur e diferente posibilidadnan cu tin aki na Aruba mes pa loke ta profesion. Sr. Jalken Antonia, fundado y director di JA IK ARUBA a cuminsa cu e programa di “In the picture” unda cu hobennan ta siña etica laboral y liderazgo personal. Hopi hoben no sa ki pa haci den futuro y cu e programa aki nan ta bishita cada bes un otro compania

cu un grupo di estudiante. Asina hobennan por mira di cerca e diferente funcionnan den practica y kico ta importante na pia di trabou.

E alumnonan di Colegio Nigel Matthew ta gradici Hospital y JA IK ARUBA p’e bunita oportunidad pa mira diferente profesion den cuida medico. Un mainta cu tabata uno fructifero y cu sigur lo wordo ripiti mas biaha pa Hospital cu ta desea di atrae y inspira nos hobennan den comunidad pa loke ta un futuro carera den cuida medico.

DEPARTAMENTO DI CULTURA A ORGANISA PROYECTO ESCOLAR “FIESTA DI SAN JUAN” NA CAS TAN TIN



Relaciona cu Celebracion di San Juan-Dera Gay, durante e periodo di 11 di juni pa 20 di juni Departamento di Cultura Aruba (DCA) den cooperacion cu Cas Tan Tin y Cuerpo di Bombero y Formacion Social, a organisa presentacion escolar educativo di nos fiesta tradicional di cosecha di Dia di San Juan- “Dera Gay”.



Un total di mas di 3800 mucha a haya e oportunidad pa experiencia y educa riba e Celebracion, Cosecha y Baile Tradicional di San Juan. Na yegada e muchanan a ser ricibi y guia pa boluntarionan mientras den fondo e musica di San Juan ta ser toca. E personahe di Juan y Juanita a yama e muchanan bon bini na Cas Tan Tin y a conta un storia cortico di Fiesta di San Juan, unda a splica en cuanto tur elemento di e fiesta di San Juan. Tabata tin canto di cancionnan popular di temporada di cosecha y un demostracion di e baile di Dera Gay cu buscamento di e calbas, unda e muchanan di scol a participa y a saca un ganado.



Di parti Cuerpo di Bombero señor Francis Toussaint a trece dilanti cu tabata un tradicion pa cende candela durante e fiesta di San Juan, pero awo ta conseha pa no cende candela mas ya cu esaki ta peligroso y ta causa daño na nos medio ambiente y bestianan. Ademas den caso si ta cende candela, pa haci esaki responsabel y a conseha con pa atende cu esaki pa evita peligro. Despues a sigui cu e wega di pikimento di bandera y e mucha cu haya e bandera cora y geel, ta gana y ta ricibi un premio. Ademas tabata tin e competencia popular di e grito di gay y galiña, esun cu e miho grito di gay y galiña a ricibi un premio.

Tabatin un boluntario cu a disfrasa na e Gay animando e muchanan hunto cu un grupo di musico cu a

duna presentacion en bibe durante e dos simannan di e presentacion escolar.

Na final di e presentacion e muchanan a ricibi un recorrido den Cas Tan Tin y a haya un splicacion con nos antepasadonan tabata biba. E miembronan di Formacion Social a guia e muchanan di scol y na salida tur mucha a ricibi un boli pa refresca. Ademas scolnan a ricibi plachi di kleur pa e alumnonan.

Departamento di Cultura ta gradici Museo Cas Tan Tin, Departamento di Bombero, e agrupacion musical “Grupo Kakiña”, hobennan di Formacion Social y tur boluntario pa nan cooperacion cu a haci e presentacionnan escolar exitoso. Danki tambe na tur scol, alumnonan y docenten pa nan participacion. Departamento di Cultura ta desea pueblo di Aruba un feliz Dia di San Juan “Dera Gay” 2024.



Partido MEP:
Diadomingo 7 di juli,

'BAN TOPA' DEN DISTRICTO DI DAKOTA Y SORTEO DI E GRAN RIFA DI MEP



ORANJESTAD – E prestigioso partido MEP ta anuncia su siguiente actividad cu lo ta diadomingo dia 7 di juli den e distrito di Dakota. Riba e diadomingo aki lo tin e exitoso "Ban Topa",

cu ta un serie di encuentro den districtonan na Aruba na unda candidatonan di partido MEP ta comparti informacion cu e habitantenan di e distrito pero unda tambe tur ciudada-



dano di Aruba ta bonbini. Den e encuentronan aki tin oportunidad pa haci pregunta na e oradornan y asina e pueblo ta keda bon informa.

"Ban Topa" lo tuma luga na edificio di ATIA na Pedro Gallegostraat 6, di 5pm pa 8pm.

Lider di MEP, Evelyn Wever-Croes y candidatonan Glenbert Croes, Xiomara Maduro y Hendrik Teverden lo ta esnan encarga pa trece informacion na e presentenan durante e encuentro.

Riba e mesun anochi aki, despues di "Ban Topa", pa 8or, lo tin e sorteo di e gran rifa "BAN VAKANTIE CU MEP!" unda pa solamente 5 florin bo por gana 10mil florin cash. Ainda bo tin chens di contribui cu bo prestigioso partido cumprando bo ticket cerca bo candidato preferi.

Partido MEP ta extende un invitacion na henter pueblo di Aruba pa asisti na un otro encuentro di

Ban Topa, e biaha aki na e dushi distrito di Dakota y probecha di e oportunidad pa conecta, siña y hunto bin cu ideanan pa un miho futuro pa Aruba. E compromiso di MEP cu e pueblo

di Aruba ta pa sigui traha incansablemente pa logra alcanza estabilidad y prosperidad den cada hogar na Aruba y cu e sosten di e pueblo sigur lo por logra esaki.

Clasificados

🚗
🏠
🛒
🚚
🔧
👥

SOLODIPUEBLO@GMAIL.COM

CEL.585 9500

Obituario

Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

**Pa mas informashon por tuma contacto cu oficina na
585-9500 of na 741-4554**

Minister Maduro durante tratamiento di Presupuesto Supletorio 2024:

MARISOL TA UN POLITICO OPORTUNISTA CU NUNCA A DEDICA PA TRECE SOLUCION PA MEHORA FINANSA PUBLICO DI ARUBA

Su conocimiento di finansa publico ta 'nul komma nul'

Den e ultimo tempo ta notabel e atake politico di Parlamentario Marisol riba Minister Maduro di Finansa. E Parlamentario su critica ta dirigi riba e retraso cu tin den produci Cuentanan Anual di Pais Aruba. E Parlamentario a haci preguntanan oficial y Minister Maduro a contesta nan debidamente, pero e Parlamentario no a keda contento cu e splicacion di e realidad, y a bay over na critica e mandatario y ambtenaarnan di Departamento di Finansa. Pa Minister Maduro, e critica aki di e Parlamentario ta nada mas cu oportunismo politico. Ta bisto cu Marisol despues di tanto aña den politica ainda su conocimiento di finansa publico ta na nivel 'nul komma nul'.

Oportunismo politico

Mester tene na cuenta cu Marisol tin un trayectoria politico largo di mas di 30 aña como Parlamentario, Minister y Presidente di Parlamento y den tur e añanan aki NUNCA a dedica pa trece solucion pa mehora finansa publico di Aruba. Awo cu cos ta bay bon riba e tereno di manejo financiero na Aruba, y cu otro politico ta logrando pa drecha e situacion financiero, Marisol manera un bon politico oportunista, kier core 'ride the wave.' Diripiente Marisol kier haci pasa manera cu ta su critica, ta locual ta resultando den mehoracion di finansa publico na Aruba, siendo cu den tur su añanan como politico nunca ela trece sikiera un solucion concreto na bienestar di Aruba su finansa publico.

Retraso den Cuenta Anual ta conoci

E no ta un secreto cu Gobierno tin un retraso den

compila Cuentanan Anual. Minister Maduro di Finansa na varios ocasion a splica na placa chikito e motibo di e retraso aki. E ultimo Cuenta Anual aprobada pa Parlamento ta data di aña 2018 y esun di aña 2019 ta na e momentonan aki na Algemene Rekenkamer Aruba pa su auditoria pa despues esaki por keda presenta na Parlamento di Aruba.

Ta conoci tambe cu Gobierno ta haciendo cambionan den e forma cu ta produci Cuenta Anual di Pais Aruba, pa asina por yega na haya un certificacion di un accountant externo pa aña 2026. Te cu awo, ningun Cuenta Anual di Pais Aruba a haya un certificacion di un accountant externo cu ta verifica cu e cifranan presenta ta cuadra cu realidad. Ta e Cuenta Anual di aña 1998 so tin un declaracion di un accountant externo, cu pa colmo ta indica cu e cifranan no ta cuadra cu realidad.

Pues e retraso ta conoci, e motibonan pa esaki ta conoci, y e pasonan cu ta wordo tuma pa cera e ciclo presupuestario di Pais Aruba, tambe ta conoci. Gobierno ta trahando pa soluciona e problema aki cu ta forma parti di e reformanan di e Landspakket. Ta Marisol so parce di no sa di e motibonan di e retraso den Cuenta Anual y ta keda critica den bashi.

Hopi aña di experiencia, pero 'nul komma nul' den finansa publico

Awo cu cada dia nos ta mas cerca di elimina e retraso den produci Cuentanan Anual di Pais Aruba, ata Parlamentario Marisol diripiente kier cuestiona. E ta bisto cu Marisol kier haci pasa manera cu ta su crit-

ica como Parlamentario ta locual ta trece cambio den finansa publico na Aruba. Marisol tin mas di 30 aña den politica, e tabata Parlamentario, Minister y Presidente di Parlamento, ela forma parti di 4 partido politico y NUNCA antes ela cuestiona of haci algo pa soluciona e retrasonan den Cuentanan Anual. Awo cu e trabounan ta avansa, diripiente Marisol kier bira 'heroe de la pelicula' demostrando atrobe oportunismo politico. Pa colmo e Parlamentario cu tanto aña di experiencia, ta keda muestra keto bay den su critica cu



su conocimiento di finansa publico ta 'nul komma nul.' Un politico oportunista y sin conocimiento manera

Marisol, di berdad nunca por logra drecha Aruba su finansa publico.

Maravillas de la Fe

Bo ta sufri di un malesa nan cu no no por cura ? Manera artrosis, Alzheimer, demencia, depresión, diabetes osteoporosis, párkinson, insomnio, dolor di barica, weso migren dolo di barica, dolo di wesu, lomba, ect? Bo ta bebe remedi i bo no ta cura? Bo ta victima di bruheria? comunica na MARAVILLAS DE LA FE na 748 56 71

Bo no tin suerte? bo placa no ta jega? Bo ta cumpra number i bo no ta gana? Bo ta bai casino i perde tur bo placa? Invidia, mala suerte? comunika na 748 56 71

Bo tin problema di amor? Bo pareha ta gaña bo? Fracaso, soledad, angustia. comunika na


Comunica na 748 56 71



748 56 71




CINEARUBA cu tayer di pelicula completamente gratis



Durante Playa Film Festival di e aña aki cu lo tuma luga riba 19 y 20 di juli na Cas di Brenchie, fundacion CINEARUBA ta ofrece un tayer di pelicula gratis riba diasabra 20 di juli di 6 pa 7'or di atardi na e parke di Brenchie Arends. E tayer ta consisti di traha un pelicula di 1 minuut den un solo take, dus sin corta. Na Ingles esaki yama

'Long Take' y na Spaño e yama 'Plano Secuencia' unda cu e movicion di e actornan ta den sincronizacion cu e camera. E ta muestra masha simple mes, pero e realidad ta cu e ta hopi complica. Door cu no por corta, hopi cos por bay robes, pero net esaki ta e desafio y ta haci ful e experiencia leuk.

E tayer aki no ta nada tradicional, CINEARUBA ta consciente cu participantenan kier menos teoria y mas practica. Pa e motibo aki e participantenan lo inicia di biaha na graba nan pelicula y durante e proceso nan lo wordo asisti y yuda na momento cu nan pega. Participantenan lo traha den grupo di cual algun lo actua y otronan lo graba cu nan telefon celular of cu cameranan provee door di e instructor. E instructor di e tayera aki lo ta Adriano Nanof di fundacion CINEARUBA. E no ta un tayer pa profesionalnan. E proposito di e tayer ta pa pasa un momento agradabel cu otro personanan y siña algun tecnicanan cu despues e participantenan por aplica



na nan videonan di social media.

Pa participa na e tayer aki por bishita playafilmfestival.com y yena e formulario di aplicacion. Ta importante pa haci esaki door cu espacionan ta limita. Edad di e tayer ta 13 aña bay ariba y no mester tin conocimiento di uza camera of actua pa por participa. E

proyecto aki ta conta cu apoyo di Cede Aruba, VNO, Aeropuerto Internacional Reina Beatrix, Setar, Santos y Cas di Brenchie. Fundacion CINEARUBA kier gradici tur e participantenan cu ta participa e aña aki na e festival di cine di Playa. Tur informacionnan tocante e festival ta riba e pagina di e festival.

TURISTA NA STUUR DI KIA PICANTO A RANCA PALO DI LUZ NA HATO



HATO - Diamars algo prome cu 11'or di anochi polis a bay pura ariba e caminda di HATO, unda cu un auto a ranca un palo di luz.

Na prome instante no tawata conoci si por tin hende herida.

Polis cu a yega a constata

cu berdad tin un palo di luz colgando ariba caminda y den e greppel un Kia Picanto cu ta esun cu a dal e kibra.

Segun nos a compronde na e sitio cu ta trata di un turista, cu pa un of otro motibo a perde control y bay dal net contra un palo di luz y cay den e greppel. ELMAR a wordo poni na

altura y e caminda a keda cera pa un rato, debi cu un ora pa otro e palo di luz por a cay.

Danki Dios niun hende no a resulta herida.



**OLIVE TREE'S
PRE-PAID
FUNERAL PLAN**

PAY AS YOU CAN

Reserva tu plan de funeral pre-pago hoy
Reserva tu plan de funeral pre-pago hoy
Hoy puedes pagar desde \$10.000 en adelante

Olive Tree Social Department ☎ (+297) 743 7411
www.olivetreefuneralhome.com

Pareha y divorcio

Shete clave pa supera un relacion abusivo

Relacionnan abusivo ta haci nos hopi daño y supera nan ta rekeri un trabou personal duro. Sinembargo, siguiendo algun guia ta posibel pa logra bienestar.

Ora un relacion di pareha termina, nos ta enfrenta un proceso doloroso y relativamente largo, cu ta dificil pa pasa aden. Nos ta perde nos identidad y nos rutina, e proyectonan pa futuro ta cay y nos ta obliga di reconstrui nos mes.

Sinembargo, e caminda aki ta bira mas dificil ora ta trata di supera un relacion abusivo. P'esey nos ke comparti algun idea cu por ta util.

Ta bon pa menciona cu e tipo di relacionnan aki ta mas comun cu nos ta pensa. Segun e datonan registra, por lo menos 1 di cada 4 persona a experencia violencia di pareha intimo (IPV).

E por tuma hopi forma: violencia fisico, emocional, sexual, economico... den tur caso, e ta genera daño profundo na esun cu ta biba den dje y ta pone e persona den un posicion den cual sigui dilanti ta complica.

Aunke asina, sea bo a dicidi di bandona e relacion of bo ex-pareha a tuma e paso, awor bo tin e oportunidad pa cura y cuminsa diseña un bida miho pa bo mes. Y pa esaki nos ta invita bo pa considera e siguiente reglanan.

1. Maneha e emocionnan cu ta surgi ora di purba supera un relacion abusivo

For di pafo por parce facil pa dicidi di bandona un relacion abusivo. Despues di tur cos, ta dificil pa compronde dicon un hende ta keda den un vinculo cu ta causa tanto daño y ta spera cu ora e bandon'e, e ta experencia solamente alivio y bienestar. Sinembargo, e realidad ta hopi mas complica.

Durante e proceso di duele por surgi sentimento contrario na alivio y libertad, pero tambe rabia y tristeza. Bo por sinti miedo, soledad y remordimento, y hasta tin duda si bo a tuma e miho decision.

Bo ta sinti loke bo ta sinti, corda cu

e ta valido. A pesar di e daño cu e relacion a causa bo, ta normal pa bo bira tristo y desapunta cu e relacion a caba. Bo tin derecho di para duro den bo conviccion y yora bo perdida.

Pa progresa den bo recuperacion bo mester permiti bo mes sinti, sin husga bo mes y sin laga otronan hacie. Corda cu ventilacion emocional ta fundamental pa por avansa. E ta cuminsa c'un diario terapeutico, ta busca un persona confiabel cu e por papia cu ne of ta recurri na guia profesional. Si esaki ta e caso, ta importante pa bo haya e manera pa maneha y canalisa e sentimentonan aki.

Papia cu un hende pa supera un relacion abusivo.

Por papia y expresa su mes ta parti di e proceso di haya cura pa e maneho di e emocionnan.

2. Compronde bo mes y elimina tur sentido di culpabilidad
Ora un hende a logra sali for di un mal relacion, ta normal cu un sentimiento fuerte di culpa te aparece. "Con mi a laga nan haci esaki pa mi?" Con mi por a laga mi mes wordo abusado pa asina tanto tempo? "Pakico mi a hala mi mes un banda".

E preguntanan aki y otro preguntanan por surgi den bo mente, recriando bo decisionnan y actonan di pasado. Sinembargo, ta vital pa bo corda cu bo a haci bo best.

Pa esaki por ta hopi positivo pa busca informacion tocante e ciclo di violencia y abuso den pareha. Kico lo permiti bo compronde e dinamica den cual bo tabata sumergi, e mecanismo cu e abusado ta uza y e realidad cu bo ta un sobreviviente.

No husga bo mes pa loke bo a haci y gradici bo mes pa ta awor den un posicion diferente; un caminda cu bo por siña lesnan valioso for di loke bo a experencia. Cuida bo paz interno

y no laga e autocritica sigui confundi bo.

3. E ta pone limitacion pa bo y pa otro Relacionnan abusivo ta wordo caracteriza pa ciclo toxico di ruptura y reconciliacion. P'esey, aunke por parce cu sali for di e relacion ta e cos mas complica, e berdadero reto ta pa mantene e decision. Si bo ke logra esaki, bo mester pone limitacion cla pa



bo ex-pareha, pero tambe pa bo mes.

No ta trata solamente di stop e otro di busca of tuma contacto cu bo, di purba haci bo sinti culpabel of di recupera cu promesa falso. Mas importante ainda ta sa cu ta posibel cu bo ta sinti deseo pa recupera e relacion y cu bo ta capaz di preveni e sentimiento aki.

Cero contacto ta e miho strategia pa sigui ora ta posibel. No comunica cu e otro persona ni topa cu ne. Evit'e mas tanto posibel. No duda den restringi bo acceso na bo rednan social y sigura bo di ta hopi riba e rednan social.

Corda, ora ta necesario, e motibonan pakico e vinculo ey no ta saludabel pa bo. Busca sosten den e hendenan cerca di bo ora bo ta haya e urgencia pa tuma contacto cu otro y, den definitivo, dicidi di pasa den e proceso di abstinencia.

Adiccion na amor ta hopi similar droga y ta hopi presente den relacionnan abusivo.

4. Traha na cura e raiznan cu a hiba bo na un relacion abusivo
Un paso imprescindible ora di surpasa un relacion abusivo ta pa realisa un proceso di reflexion y analisa e motibonan cu a hiba nos pa involucra nos mes y keda den e relacion. Ta importante pa detecta nan pasobra si nos no traha riba nan, probablemente nos lo topa den relacionnan similar bek den futuro.

E causa por ta hopi y por ta for di herida di mucha te cu falta emocional of ideanan erroneo tocante amor y relacion. P'esey, tin guia psicologico por ta hopi util pa accelera e proceso, yega na e raiz y cuminsa traha riba dje.

5. Reconstrui bo mes paso pa paso
Relacionnan malo ta causa hopi daño na nos mundo emocional. Ta posibel cu bo autoestima ta dañá, cu bo ta sinti bo chikito y indigno, cu bo ta mira bo mes incapaz di afronta bida riba bo mes. Abusadonan sa con pa causa e efecto aki pa mantene nan victima dependiente.

Bo miho aliado den e caminda aki lo ta cuido propio. Asina e ta cuminsa duna bo prioridad y ta cuminsa establece custumbenan di bida saludabel. Alimenta bo mes di manera nutritivo y siña tende bo curpa, practica ehercicio fisico y descansa suficiente.

Tambe cuida bo emisionnan y dedica tempo na bo aficcion- y interesnan. E ta sigui e proyectonan cu bo tabatin prome cu bo relacion of ta busca actividadnan nobo cu ta motiva bo y haci bo sinti bo realisa. Definitivamente, inverti bo tempo i energia den bo.

6. Crea bo retonan di sosten
Na e momentonan aki ta fundamental pa bo por reconecta cu bo personanan mas cercano, esunnan cu ta stima y apoya bo y di esunnan cu probablemente bo a kita for di bo relacion. Apoyo social lo ta crucial ora di recupera.

P'esey tambe por ta positivo pa amplia bo circulonnan y conoce otro hende den bo mes situacion. E gruponan di sosten ta ofrece un ambiente sigur pa expresa nan mes sin miedo y comparti experencia.

7. Duna tempo pa supera un relacion abusivo

Finalmente, purba pa no forsa bo pa accelera e proceso. Un duele despues di un ruptura ta tuma entre 6 luna y 2 año, pero dependiendo di e situacion concreto, e por keda largo considerablemente. Despues di un relacion abusivo tin hopi pa cura, pa procesa i pa integra. Ta importante pa haci e trabou aki conscientemente. E cura por ta doloroso y confuso. Lo tin progreso i retraso y lo rekeri hopi sosten di medio ambiente y di boluntad pa haci un trabou interno. Sinembargo, ta posibel pa reconstrui autoestima i siña con pa ta conecta den forman mas saludabel den futuro.

Suplica na e Directiva:

Laga nos honra Johnnie Croes como fundado di Leerorkest Aruba



Na e momento cu mi a mira e anuncio di e concert di Leerorkest Aruba diabierna 28 di Juni mi a keda masha contento. Como mi tabata participante di fundacion di e organizacion, mi ta content cu e directiva a sigi cu e trabau dificil di desaroya Leerorkest Aruba

te cu nan lo por presenta un concert di mas di 500 participante. Proficiat! Pabien!

Con Leerorkest Aruba a cuminsa? Na nomber di directiva di Nuevo Mundo Foundation, Johnnie Croes, e tempo ey un do-

cente na Scol di Musica "Rufo Wever", a dirigi un carta na ministernan di Educacion y di Cultura pa pidi un audiencia cu nan caminda Sr. Marco de Souza lo tabata bay presente. E proposito di e audiencia tabata pa papia riba e deseo, no, necesidad di cuminsa un Leerorkest na Aruba. Marco de Souza ta e inmigrante di Brazil kende a funda Leerorkest na Hulanda cu a bira un exito rotundo. Como docente di musica cu hopi experiencia, Johnnie a reconoce e valornan grandi cu


Riba su propio cuenta y pagando tur gasto e mes, Johnnie a bay Corsow pa papia cu e directiva di Leerorkest Curacao pa siña loke nan a haci. Prome cu el a haya un contesta di Ministernan, Johnnie a cuminsa Leerorkest cu asina tanto inovacion cu e no por a continua su trabau na Scol di Musica. E tabata pa pidi un sabbatical di Scol

di Musica y Alberto Perret-Gentil, di e Pering Group, inversionistanan Venezolano, a ofrece 100,000 florin pa cubri e gastonan di e sabbatical.

Dia 7 di October 2019 e acto notarial fundacion Leerorkest Aruba a bin cla. Un di e firmantenan tabata Johannes "Johnnie" Croes kende a bira miembro di e directiva. Desafortunadamente, na dado momento

a surgi un desacuerdo den directive y Johnnie a sinti cu e no por sigi mas den directiva y el a pidi su retiro.

E concert di di 28 ta ofrece un bunita oportunidad pa Directiva di Leerorkest honra Johnnie Croes pa su participacion pa funda e organizacion. Mi ta suplica directiva di Leerorkest Aruba pa uza e oportunidad.



	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

CONCERT

28 JUNE 2024

Our Biggest Concert at Gloria Aruba! from 8AM till 11AM

FEATURING MORE THAN 500 STUDENTS FROM:

- PRINSES APALIA BASISSCHOOL
- COLEGIO LAURA WERNET PASKEL
- GRAF VON ZINZENDORF BASISSCHOOL
- ARUBA ADVENTIST ACADEMY
- ST. PAULUS BASISSCHOOL



Minister Dangui Oduber

PRODUCTO ARUBA TA SIGUI CONOCE MEHORACION

PROYECTO DI BOEI A KEDA ENTREGA NA ARASHI, BOCA CATALINA Y EAGLE BEACH.




ORANJESTAD – Minister di Turismo, sr. Dangui Oduber, su vision ta pa keda inverti den producto Aruba, unda ta diversifica turismo y asina trece turista afluente. Pero tambe e maneho ta enfoka ariba e seguridad di turistanan cu ta bishita

nos isla. Den cuadro di e maneho aki, ministerio di turismo den colaboracion cu Aruba Tourism Authority (ATA) a entrega proyecto unda cu boei a wordo poni na Arashi, Boca Catalina y Eagle Beach.

Esaki ta un di e varios proyectonan bunita y positivo cu ATA tin den su “corporate plan” den cuadro di e mehoracion di e producto Aruba. Minister Oduber a sigura cu su maneho ta basa riba e turista cu ta gasta. Cual ta nifica cu lo bay enfoca riba e perfil di turista di “High Value Low Impact Tourism”, pa es motibo producto Aruba su desaroyo tambe mester refleha esaki. Esaki nan ta e turistanan cu ta gana mas di 150 mil dollar pa aña y alaves ta respeta nos naturalesa y balornan cultural. E proyecto di boei ta percura pa duna mas seguridad pa landradonan local y tambe e turistanan, unda cu ta crea un area special unda por landa sin cu jetski, waverunner of cualkier speedboot por yega. Finalmente e mandatario kier a gradici ATA pa pone e fondonan disponibel pa asina haci e proyecto aki un realidad. Un inversion cu lo garantiza un seguridad di tur cu ta landa den e area aki. Aruba su turismo ta keda importante. Turismo ta keda e driver di nos economia.

Señor ta mi wardador, mi'n tin falta di nada
Den cunucu di yerba e ta ponemi sosega.
E ta hibami na awa trankil.
Pa mi bolbe haña forsa.
Salmo: 23

Cu dolor na nos curason; pero conforme cu boluntad di Dios nos ta anuncia fayecimento di:



Virginia Criskla Maria Angela
mihor conoci como: "Vilma"
*27-10-1954 †18-6- 2024

Na number di su:
















Mayornan:
† Carlito y † Maria Angela- Kock

Rumannan:
Lino Angela
Velia Angela
Sra. vda Marie Angela-Bislip
Sra. vda Catharina Angela- Maduro
† Carlos Angela
† Augustina Angela
† Alberto Angela
† Thomas Angela
† Ciro Angela
† Jeannie Trimon- Angela

Sobrinonan:
Danilo Angela
Marcel y Liliana Angela
Giannino Trimon
Janila Kock; Xeanderick Trimon; Xiandra Kock
Dayron Trimon
Cosma Kock y famiAmiganan di cas:
Roosje Growell
Dalys Coello

Primo y Primanan, Amigo y Amiganan, Bisinjanan; ex coleganan di Staten di Aruba

Demas Famia: Angela, Kock, Trimon, Bislip, Maduro, Rasmijn, Thode, Wester y demas famia ta wordo invita pa condolencia y acto di entierro Diasabra 29 di juni 2024 for di 2 pm pa 4 pm na Royal Funeral Home y despues lo Sali bai pa santana Catolico na Sta. Cruz.

<div></div> <div>Paardenbaaistraat 10, Oranjestad, Aruba Tel.: (297) 525 - 7555</div> <div>www.lottoaruba.com</div> <div>Resultado : Sorteo 25 Jun 2024 Anochi</div>		
<div></div> <div>Sorteo # 8277</div> <div>2632</div> <div>9008</div> <div>0314</div> <div></div> <div>X2</div> <div></div> <div>Sorteo # 7321</div> <div>9894</div> <div></div> <div>FP</div> <div></div> <div>Sorteo # 2026</div> <div>5888</div> <div></div> <div>Sorteo # 6080</div> <div>2292</div> <div>Aquario</div> <div></div> <div>Sorteo # 1010</div> <div>157</div> <div></div> <div>X2</div>	<div></div> <div>Sorteo #</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div> <div>Joker</div> <div>Letter</div> <div>Proximo Jackpot</div> <div>1.000.000,-</div>	
<div></div> <div>Sorteo # 6513</div> <div>0 x Jackpot</div> <div>5 x Match 4</div> <div>170 x Afl. 8,00</div> <div>04-05-09-22-23</div> <div>Proximo Jackpot</div> <div>51.000,-</div>		
<div></div> <div>Sorteo # 1674</div> <div>0 x Jackpot</div> <div>0 x match 4</div> <div>7 x Afl. 500,00</div> <div>57 x Afl. 50,00</div> <div>59 x Afl. 15,00</div> <div>Mega Ball</div> <div>05</div> <div>Proximo Jackpot</div> <div>310.000,-</div>		
<div></div> <div>Afl. 410.000,-</div>		
<div></div> <div>Sorteo #</div>		

SABIDURIA DEN NOS ALEGRIA

Skirbi pa Ruthy”Lady Ruth” Vrieswijk-Bergen



Ta manera nos ta celebrando :”Dia di futbol”, cu e.o andando ketobay dianan di e campeonato mundial di Europa. E fantástico EK. 2024. Sperando cu pa ora e relato aki wordo publica, cu ketobay nos team favorito Hulanda lo ta den e finalistanan di e campeonato ketobay. Nos hulandesnan cu ta gusta fiesta y yena e cayanan na Berlin Alemania tur na e color oranje, cu nan bailenan di alegria, como apoyo grandi pa nos team Hulanda. Tin biaha Lady Ruth ta hiba boso dilanti patras , of patras dilanti cu su temanan cubri, pa e motibonan conosi cu ta un bes pa siman nos ta skirbi. Hulanda su team di profeshonalnan semper ta atraí miles y miles di fanaticonan cu ta bay stadion den Alemania pa apoya e “Oranjonan”. Transportacion cu avion, trein, bus of propio auto ta hasi esaki posibel.


Tension, lagrima y gritonan di alegria ora nos team Hulanda ta score gol . Ban wak con lo sigui cu nan. Mientrastanto hopi ta disfruta di e dushi ambiente na Cafe The Plaza, nos ta bay over un rato riba e “Dia di Mama” cu a wordo celebra den Centro di Barrio y Deporte Dakota den e luna di Mei, cu ya ta trai lomba, pero cu e curason yen ainda di e bunita celebracion cu tawatatin,cu un dushi fiesta bailabel cu entrada gratis. Tawatatin bon musica di Robert Maduro y su Azucar, y tambe Gordon’s Dis-

co, un di nos dushi hendenan di Dakota tur dia, cu semper ta causa furor y impacto cu su repertorio di dushi musica bailabel. Lady Ruth tawata hopi contento di por a “drop in” un rato den CBDD e anochi ey, cu lusnan festivo suave, un bar y cushina bon surti y prepara , cu hendenan nechí cu gusta baila of sinta den grupo of como pareha. Ya dushi musica di Gordon’s Disco tawata sona, creando asina mas dushi ambiente. Pa motibo di otro compromiso, nos no por a keda fiesta cu nan, pero, Lady Ruth a saludar y despues a pidi permiso pa nan a sende e lusnan un rato pa nos por a saca algun potret, debi cu e ambiente romantico tawata domina cu e lusnan di color. Despues di a saca e potretnan, Lady Ruth a pidi e gentil cabayero Gordon pa a complace cu un peticion di curason y toca un dushi pisa na ingles, “Dancing Queen” di e grupo ABBA, pa nos por a los e pianan cu alegria ariba e pista di baile cu ta “un” cu e pareha di Savaneta pero cu curason festivo semper na fiestanan. Beto y Helene Ruiz, un dushi y bunita pareha cu tey presente na unda tin bon y dushi musica, ey nan ta, ariba e pista, expresando nan pasion, amor y alegria den nan movecionnan, asina mes cu nan edad ta un crenchi haltó. Fantastico condicion fisico y den bon balans ! Bailando cu nan pikete dushi asina ! Wel, amigo DJ Gordon a toca Dancing Queen y varios di esnan presente a subi pista cu nan mesun zjeito y alegria y a join Ruthy, di Dakota tur dia ariba e pista ! Entre esnan presente den e publico, sinta, ta gosa, tawata nos bon amigo



famia Shon Papa de Wind y su dushi hendenan , Amy y Rudolfo, Mireya , Shirley y Mavis Rijna, amiganan famia di mi Mama y Wela, kemen mi famia tambe. Y aunke nos no ta topa otro tur dia, nos ta saluda otro cu hopi carino y alegria. Lady Ruth a ricibi comentario pa cu su relatonan un crenchi “Bek den tempo” cu nan ta laga nan sinti hopi contento, pasobra, nos no a lubida nan, nos no a lubida di skirbi un crenchi di varios di e temanan cu ya ta trai lomba pero cu awor numa ta wordo poni un crenchi den lus di amor. Nan ta “smile” , pasobra e bunita recuerdonan ta bolbe bin ariba.

Despues nos lo bin tambe cu e bunita celebracion y eleccion di dos bunita Mama di e grupo The voice of Jesus di Modanza bau liderazgo di Vidente Valerie. Ta Dia di Mama tur dia. Esaki ta tur pa awor, sperando cu tur fanaticonan di e deporte rey futbol lo sigui comporta deportivamente y acepta e teamnan ganador den e final. Danki pa lesa nos relato y pasa un dushi Dia yen di alegria !



Lagrima y flornan por seca pero Bo imagen, Recuerdonan y locual Bo a significa pa nos lo keda Semper bibo den nos Memoria y pa Semper graba den nos Curazon.

Gradicimiento/Invitacion

Den nomber di famia nos kier a gradici cada un cu a tuma nan tempo of di un of otro manera a muestra atenshon y sosten durante dianan di fayecimiento y entiero di nos defunto stima;



Maria Henricus-Geerman

Danki pa tur mensahenan via tur medionan di comunicacion, tur esnan cu a manda carichi of krans y tambe bishitanan personal, nos ta masha agradeci.

Tur esakinan a sirbi di gran consuelo pa nos. Un danki special ta bay na: pastoor Jairo Maduro pa su bunita respons, Sra. Lola Geerman pa su atenshon, na personalnan di Huize Maristella, na Sr. Max Hasell pa su bunita cancionan, Sr. Nelson Tromp y su compañeronan di Mariachi Luna, y tur persona cu a yuda den cualkier otro forma, Masha danki di curazon.

Danki na Aurora Funeral Home, especialmente Zulaika Hodge pa e atencion y bon servicio.

Ta invita pa asisti na 3 Santo Sacrificio di misa cual lo tuma lugar riba;
diahuebs 27 di Juni y diasabra 29 di juni
pa 7’or anochi na misa Immaculada Concepcion na Santa Cruz, y despues di misa diasabra 29 di Juni lo bay tin un oracion na cas
Macuarima 101-A.

Boso presencia ta keda altamente aprecia.

“Esnan cu nos a stima no ta laga nos, nan ta cana banda di nos tur dia”